

Գլխի (2 Յառնէս). նոր էր լուսինն:

Եւ Ելի (4 Յառնէս) բռնեցին զոամազանն: Եւ օրս ելեալ զնացին մեծամեծօք և ծառայօք ամենայն բանակն Տաճկաց հանդերձ տէրիւն իւրեանց՝ վէզիրիւն, եւ աղան ընդ նմա եւ զսէյմէնպաշին եզին աղաին վէքիլ:

Ուրբաթի օրս (5 Յառնէս) զնացին նաւօք եւ զաշխով արքն այնոքիկ հասանել տօնանմային:

Կիրակի (7 Յառնէս). բարեկենդան Լուսաւորչին Գրիգորի՝ էին: Աւուրքս (Դէրէ):

Գլխի (9 Յառնէս). Մարտիրոս վարդապետն եկն:

Դլխի (10 Յառնէս). Տէրտէրս եւ Մահտեսին ելեալ զնացին ի հասարակել աւուրս ի Թէքիրտաղին յաշտ առ Թագաւորն սուրբ:

Ելի (11 Յառնէս). զթուղթ Մինաս վարդապետին զրեցի:

Եւ Զլի (12 Յառնէս)՝ զՏէր Աստուածատուրին Թուխաթուն: Ուրբաթի օրս Ստեփանոսն եկն յԵրուսաղէմայ:

Կիրակի (14 Յառնէս). ընդ Մղտեսի Տիլէկին էաք ի տուն իւր, եւ ելեալ ընդ իւր տարաւ զիս ի Ղալաթայ ի տուն Մովսէսին, և անդ արարեալ զգիշերն, և առաւօտուն (15 Յառնէս) ի Կեօկսուն զնացաք ընդ նոսա եւ հրեկոյին եկաք անդ:

Եւ առաւօտուն Գլխի (16 Յառնէս) անձրեւ էր եկեալ. ի փունն եւ անտի ի տուն. եւ զիններորդ ժաման զնացի ի յԱսկիւտարն հարսանիս Տէր Յովանէսին փեսի եղբօրն: Եւ առաւօտուն Դլխի (17 Յառնէս) եկաք ընդ պեան իմ անդ. եւ էր անձրեւ:

Ելի (18 Յառնէս). ըմբռնեցին զՏէր Գէորքն:

Շաբաթ (20 Յառնէս). ճաշուս եկին Տէրտէրն իմ եւ Մահտեսին:

Կիրակի ԻԱ. ամսոյ: Մի հոռոմ զորդին սպանեաց բարկութեամբ եւ փախաւ ի խանն Իփլիքճի: